

حریدہ علمیہ

مشیتِ چلیماہِ اسلامیہ نمکِ حریدہ، رسمِ سیدر

جمادی الاولیٰ ۱۲۳۳

عسدو: ۱۶

آیدہ بر نشر، النور

ایکمنجی سنہ

مذاکر و محرمات علیہ

« فرائض الہیہ تک اختلافدن عاری اوله جق صورتده اداسی حقندہ اوقاف ہایون نظارت جلیہ ستہ »

امام نمازده فاتحہ شریفہ یی قرائت ایدرکن « آیاک نعبد » نظم جلیہ اندہ آیاک دیہ مشدد اوله رق اوقومیوب آیاک دیہ مخفف اوله رق قرائت ایدلہ یکی تقدیرده نمازک فاسد اولوب اولہ جفہ دائر مرجک درکام شریفی پوست نشینی سلیمان افندی طرفدن ویریلان عرضحال فتواخانہ یہ لدی الحوالہ بومثلہ دم اختلاف فقہا واقع اولمش اولدیغندن فسادیلہ اقتسایتمک موافق کورلما مکلہ برابر بومثللو فرائض الہیہ تک اختلافدن عاری اوله جق صورتده اداسی مناسب اوله جفی افادہ ایدلمش اولمغلہ کیفیتک ائمہ یہ تبلیغہ ہم جلیہ سمو جیلری سزاوار بیورلمق بابندہ امر وارادہ حضرت من له الامر کدر .

*
**

« صلح حاکملری قانونندہ کی رفع ید صلاحیتک رقبة وقفہ تعلق ایلہ جک مدعیات حقندہ حائز تاثیر اولدیغی حقندہ خداوندکار مرکز قاضیلکنہ »

صلح حاکملری حقندہ کی قانونک بشنجی ویکرمی یدنجی ماده لری مفادنجہ صلح محکمہ سندن صادر اولدیغی بیلدیریلن اعلام یالکز رفع یدہ دائر اولوب اساس دعوا یہ تأثیری اولہ میہ جفندن وتفریق وظائف نظامنامہ سی مقتضاسنجہ رقبة وقفہ عائد دعاوینک مرجع رؤیتی محاکم شرعیہ بولندیغندن طرف فاضلانہ لرندن تعیین اوله جق نائب حضورندہ بالتیابہ مرکز محکمہ شرعیہ سندہ اقامہ دعوی ایدلمسی لازم کله جکی مجلس تدقیقات شرعیہ دن افادہ قلندیغی بیانیلہ شقہ محبی ترقیم اولندی .

*
**

« نقض اوزربنه یکیدن عاکمہ تک نہ زمان اجرا ایدیلہ بیلہ جکی حقندہ آیدین مرکز قاضیلکنہ »

اسباب نقضه یالکز اعلامک اصلی وماخذی بولنان ضبط دعوا دن حل ایدلمک ممکن ایسه قاضی لاحقک بوجهتلری بلا محاکمہ تحشیہ صورتیلہ بیانی کافی ایسه ده اعلام تزکیہ تک نقصان اولسی مثللو احوال دن طولای نقض ایدلمش اولدیغی تقدیرده قاضی دخی

تبدل ایتیش بولدیغنه کوره یکیدن محاکمه اجراسیله توقیع حکم ایدلمی لازم کله جکی فتواخانه عالیدن افاده قلندیغی بیانیله شقه محبی ترقیم اولندی .

*
* *

« بر وقفك ضبط تولیتله اولادیه غله سنك مدرسه انشاسنه صرفی استیذانه جواباً آلتنه ولایتی مرکز قاضیلکته »
فی ٢٣ ربیع الاول ١٣٣٣ تاریخی تهریرات جوابیدر تولیت ادعاسنده بولسان کسه نك یدنده برات ولدینی صورتده وقفك ضبطی موافق اوله میوب برات اولدینی صورتده برات استحصاله قدر اوقاف مدیریتجه اداره ایدلمی لازم کله جکنک وغالب اوقافی اعتباریه وقف غیر صحیح ایسه اولاده عائد اولان غله نك تخصیصی غیر صحیح اولسی حبسیله مدرسه کله انشاسنه ومصارفك تسویه سنه صرفی حقنده اراده سنیه استحصال اولدینی صورتده غله نك ذکر اولسان جهته صرفی مشروع اوله جقندن بوخصوص ایچون کیفیتك اوقاف هایون نظارت جلیله سنه اشعار ایدلمی لزومك بیانی سیاقده شقه محبی ترقیم قلندی .

*
* *

« تجدید ادانانده رسم تحصیل نامیله دوائر اجراییجه خرج مطالبه سنه عمل اولادینی حقنده عدلیه نظارتنه »
اموال ایتم صندوقدن استدانه ایلدکلری مبالغی مدت معینه ختام بولدینی حالده تأدیه ایتماملرندن طولایی حققرنده اصولاً معامله لازمه نك ایفاسی ضمتنده ایتم مدیریت طرفندن مقتضی اعلامیه دائره اجراییه مراجعت اولسان مدیونیندن تجدید ادانه ایتمک ایسته یئرلر مذکور مدیریتدن اجرا دائره سنه بامذکره اخبار اولنقده ایسه ده مجرد مقتضی اعلامیه اولان مراجعتدن ناشی رسم تحصیل طلب ایدلمکده وبویوزدن تجدید معامله سی ایفا ایدیه مامکده اولدینی حیایمانه قضاسی قاضیا کندن وارد اولان تهریرانده اشعار ایدلمش وتجدید ادانه صلح دیمک اولیوب تمديد دیندن والزام ربجندن عبارت اولسنه ودینك تحصیلی خصوصنده دائره اجراییه برکونا کلفت اختیار ایدلماسنه بناء رسم تحصیل طلب ایدلمی موافق حال ومصلحت کوریه میوب اساساً تجدید دین اوزرینه دائره اجراییه بامذکره اخبار کیفیت اعلامك انفاذندن صرف نظر اولدینی متضمن اوله رق اشعار مذکور اوزرینه اوراق اجراییه نك ابطالی لازم وهرنه صورتله اولورسه اولسون برداین دائره اجراده بولسان اعلامك اجراسندن صرف نظاره تعقیب مصاحت ایلدیکی صورتده مدت قانونیه نك مروریله اوراق اجراییه طوغریدن طوغرییه اجرا مأمورلفجه ابطال.

ایدلمکده و بوندن طولای داینک خارجه مدیون ایله صالح اولدینی ذهایلله رسم تحصیل طلب اولنماقده اولسنه نظراً داینک مدت قانونیه نك مرورندن مقدم اخبار کیفیت ایلمی کندوسندن رسم تحصیل استیغاسی استلزام ایلمیه جکته و خرج قانوننده صراحت اولمادجه دیگر ماده یه قیاساً خرج اخذینه مساع قانونی اولماسنه بناءً تجدید ادا ناته رسم تحصیل نامیه خرج مطالبه سنه محل اولدینی اموال ایتم و بیت المال مدیریتی و مجلس تدقیقات شرعیه دن افاده قلمش اولمغه محلی اجرا ریاسته تبلیغات لازمه ایفاسی خصوصه همت بیورلمسی سیاقده تذکره ثنوری ترقیم قلندی .

* *

« دعوتیه ورقه لرله اعلاماتك افراد عسکریه اصول تبلیغی حقنده »

خدمت عسکریه سنی اقامتکاهی بولنان محله ایفا ایدن افراد عسکریه حقنده اقامه اولنان دعواده ورقه دعوتیه و محاکمه و جاهیه و یا غیاییه نتیجه سنده صادر اولان اعلام منسوب اولدینی طابورک ضابطی واسطه سیله تبلیغ اوله بیله جکی وقضا خارجه سوق اولدینی صورتده ورقه دعوتیه تبلیغ ایدیه میله جکی کبی دعوی دخی رؤیت اوله میله جکی و محاکمه ختامده سوق ایدیلیرایسه تنظیم اوله جق اعلامك بولندینی محله ینه ضابطی واسطه سیله تبلیغی ایجاب ایلمیه جکی مجلس تدقیقات شرعیه ده افاده قلندی بیایله شقه ترقیم قلندی ۱۸ ربیع الاول ۱۳۳۳ ۲۱ مارت ۱۳۳۱

توجهات علمی

بغداد مفتیسی محمد سعید افندی به حرمین محترمین پایه سی و عکا قاضیسی حاجی عبدالحلیم افندی به مخرج پایه سی و استانکوی مفتیسی علی افندی به از میر پایه مجردی توجیه اولنمشدر .

بواراده سنیه نك اجراسنه مقام مشیخت مأموردر .

۸ ربیع الآخر ۱۳۳۳ و ۱۰ شباط ۱۳۳۰

شیخ الاسلام
محمد رشاد
خیری

* *